



台州文獻叢書

喻長霖等 編纂

胡正武 徐三見 李建軍 樓波 點校

# 台州府志

點校本

九

卷一〇五至一二四

上海古籍出版社

圖書在版編目(CIP)數據

台州府志(點校本)/喻長霖等編纂. —上海:上海古籍出版社, 2015. 10

(台州文獻叢書)

ISBN 978-7-5325-7677-7

I. ①台… II. ①喻… III. ①台州市—地方志 IV. ①K295.53

中國版本圖書館 CIP 數據核字(2015)第 130493 號

ISBN 978-7-5325-7677-7



台州文獻叢書

台州府志(點校本)

(全十冊)

喻長霖等 編纂

胡正武 徐三見 李建軍 樓波 點校

上海世紀出版股份有限公司  
上海古籍出版社 出版

(上海瑞金二路 272 號 郵政編碼 200020)

(1) 網址: [www.guji.com.cn](http://www.guji.com.cn)

(2) E-mail: [guji1@guji.com.cn](mailto:guji1@guji.com.cn)

(3) 易文網網址: [www.ewen.co](http://www.ewen.co)

上海世紀出版股份有限公司發行中心發行經銷

江陰金馬印刷有限公司印刷

開本 710 × 1000 1/16 印張 370.25 插頁 57 字數 4,800,000

2015 年 10 月第 1 版 2015 年 10 月第 1 次印刷

ISBN 978-7-5325-7677-7

K · 2054 定價: 1980.00 元

如有質量問題,讀者可向工廠調換



# 台州府志總目

## 第一冊

台州文獻叢書序·····一

點校說明·····一

續修台州府志序·····一

卷首

台州府圖

臨海 黃巖 天台 仙居 寧海 太平

縣圖

姓氏

例言

續例言·····一

卷一

弁言一卷·····一三

卷二

晷度表一卷·····三〇

卷三

沿革表一卷·····七七

卷四

戶口表一卷·····一三二

卷五

土田表一卷·····一五八

卷六之八

賦稅表三卷·····二一六

卷九之卷十

職官表二卷·····三二二

第二册

卷十一之二十

職官表十卷……………四七九

第三册

卷二十一之三十

選舉表十卷……………一〇九七

第四册

卷三十一之三十三

恩澤表三卷……………一六九五

卷三十四之三十六

人物表三卷……………一七七九

卷三十七之三十八

列女表二卷……………一八四二

卷三十九

疆域略一卷……………一九三三

卷四十之四十三

山水略四卷……………一九七一

第五册

卷四十四之四十七

山水略四卷……………二一六三

卷四十八之四十九

水利略二卷……………二三三一

卷五十之五十三

建置略四卷……………二三八三

卷五十四之五十五

祠祀略二卷……………二五二九

卷五十六之五十七 學校略二卷……………二五八七  
卷五十八之五十九 武備略二卷……………二六五五

第六册

卷六十之六十一 風俗略二卷……………二七一九  
卷六十二之六十三 物產略二卷……………二七三一  
卷六十四之七十五 藝文略十二卷……………二八四二

第七册

卷七十六之八十四 藝文略九卷……………三三六一  
卷八十五之九十 金石考六卷……………三七七五

第八册

卷九十一之九十三 金石考三卷……………三九四一  
卷九十四之九十五 古蹟略二卷……………四〇七二  
卷九十六之九十八 名宦錄三卷……………四二〇七  
卷九十九 寓賢錄一卷……………四三六一  
卷百之百零四 人物傳五卷……………四四二八

第九冊

卷百零五之百二十四 人物傳二十卷……………四五九九

第十冊

卷百二十五 人物傳一卷……………五二五七

卷百二十六之百三十一 列女傳六卷……………五二九六

卷百三十二之百三十六 大事記五卷……………五五四五

卷百三十七之百三十八 雜事記二卷……………五七六四

卷百三十九之百四十 方外記二卷……………五八三四

續修台州府志跋……………五八九〇

《民國台州府志》整理後記……………五八九二

台州府志卷一百零五

人物傳六 儒林二

明

郭 櫨 子熙從子元亮曾孫琿

徐宗茂 子璣

鄭四表

項 霖

吳元亮

葉 黼

應 良

林元敘 弟元倫

葉 慎 父靈鳳

金克厚

林應麒

林貴兆 王光朱若虛

國朝

洪熙揆 子承澤

王 藻 牟亦珙

沈光邦 趙宗欽

張正宮 張汝化

周 鑑

施際清

戚學標

宋世輦

洪頤煊 弟震煊

周治平

李 誠 父秉鈞子春枝周楷模張淦

金 鶚 施彬沈河斗

王映玉 子樹琪

金鷹揚

黃 鏹

王 棻

陳 階

黃方慶

陳寬居



明

郭櫟，字德茂，號暢軒，其先仙居人，瓊筦安撫晞宗後也。祖友直，父敏夫，咸以儒世其家。櫟從世父寬夫遷黃巖松山里，黃友義撰《行狀》。今隸太平。《康熙志》。少勤學問，比壯，特有所悟，脫去詞章習。由伊洛上溯洙泗，求聖賢用心，安居獨居，衣冠修整，祁寒盛暑，危坐終日。其所涵養，專用靜中工夫，視聽言動，一循乎禮，士大夫咸仰之。其爲教，必使收其放心。曰：「收得放心，方驗得聖賢言語有歸著。」又曰：「學者若不懲忿窒慾，則自家都壞了，此大切要處。」又曰：「作詩寫字，誤了天下多少英俊。」父歿，會兵荒，不克葬，十餘年未嘗破顏。奉母至孝，母疾，衣不解帶，親爲澡滌，凡六閱月，手指溼爛成瘡，終不以人代。與其兄友愛尤篤。洪武四年，御史李時可薦，授饒陽知縣，勸農桑，興學校，均田賦，平力役，表節義，毀淫祠，境內大治。五年夏旱，舊俗聚龍像以禱，櫟命焚之，秉誠默禱，天即大雨，深一尺。次年旱蝗薦作，櫟上其事，得旨蠲振，澤及九邑。有省檄不便，民甚苦之，櫟又上其事，廷議寔之。滿考至京，以從兄事坐免，邏者察於途，囊無長物，惟得所著書與詩文一篋，爪髮一束。以聞，帝嘉其清，賜紗幘、銀帶、寶鈔旌之。既歸，號台南兀者，年六十二卒，私諡貞成先生。有《詩文》數十卷，《雜評》一帙，《易說》未就。《行狀》。從祀鄉賢祠。子熙，號退軒，博學篤行，葉黼嘗從之游。卒，門人私諡文康先生。《弘治志》。從子元亮，名煜，以字行，《光緒黃巖志》。有文名。《台學源流》。任新昌訓導，著有《尚書該義》十二卷，《文集》五卷。《康熙志》。熙孫琿，字端朝，號筠心，博涉羣書，能古文詞「一」，尤工於詩，著有《筠心存

稿》，謝鐸撰《墓志》。又輯有郭氏《文獻錄》、《遺芳集》。《桃溪淨稿》。

徐宗茂，名森，以字行，黃巖人，宗實之弟。天資穎特，善屬文，博究羣經，旁及子史百家。嘗篝燈讀《漢書》，燼落熱其半，墨填補之，不誤一字。尤深於《易》，與兄宗實俱從永嘉史伯璿游，得紫陽之傳。史奇其才，曰：「昔所謂東甌二徐者，今復見之。」遂呼爲「後二徐」。楊榮撰《墓碑》。洪武間，以薦起，《弘治志》。歷穎上訓導，遷徐聞教諭。斥邪詖，明正學，條約嚴謹，躬行率士。著《易說》及《詩書禮記經義》、《四書辨疑》以授學者，多所造就。諸藩仰之，交聘主文衡。曹國李公、學士劉三吾薦其才學可大用，召入侍講經筵，多所啓沃。帝欲授以大任，忽遭風疾，墮二齒，語音譌謬。宗實爲請，帝嘆息，命典教本邑，以奉先祀。建文三年卒於家，年五十五。《墓碑》。從祀鄉賢祠。《乾隆縣志》。子璫，《墓碑》。字廷溫，劉定之《徐教諭詩集序》。有父風，《墓碑》。官新昌教諭，以母老，未及年，即謝事歸養。嘗爲南京同考官，老練厚重，有文而不伐，爲主試劉定之所重。著有《汗顏稿》，定之爲之序。《赤城後集》。

鄭四表，天台人。學於張以忠，以忠學於王伯武，伯武爲胡雲峰高第弟子。《明儒學案》。四表善《易》，餘姚趙搗謙嘗從之受《易》。《明史·趙搗謙傳》。

項霽，臨海人，《弘治志》。家世業儒，隱居十餘載。黃昭《孝經述注序》。洪武中以薦，官江西按察司僉事。《弘治志》。著有《孝經述注》一卷。《四庫總目》。

吳元亮，仙居人，洪武中爲嵎縣訓導。沈靜方嚴，動必以禮，講明正學，以開後進。及卒，與僚友諸弟子訣，整衣拱手，端坐而逝。《兩浙名賢錄》。

葉黼，字士冕，《弘治志》。號拙訥，黃巖人，劉儼撰《墓志》。今隸太平。《弘治志》。父希聖，有學行，

家居教授。黼承其淵源，敦本黜末，一以真知允蹈爲務。《墓志》。嘗從郭熙遊，得其父慣性理之

學。葉良佩《七先生傳》。慣嘗言「敬者，天命所以流行。衽席之間，一有不敬，則天命息矣。」故黼之

學，一以敬爲本。《嘉慶太平志》。平居無惰容，雖盛暑，衣冠不苟去身，家法嚴正，內外肅如。居家

孝友，弟尚夫無子，黼與同居共食，怡樂終身，命少子原紀爲之嗣。《墓志》。授徒數十人，其教以孝

弟誠敬爲本，而文藝次之。家故貧，然性好施，所得束脩，恆以給鄉族之貧者。《七先生傳》。嘗折衷

《大學》、《中庸》衆說，以資學者，采摭《朱子語錄》及黃超然《通義》之說，附於《易本義》，繕錄未終

而卒。喜爲古文詞，一主乎理，詩尤冲澹清逸，皆有稿。宣德六年卒，年五十一。《墓志》。祀太平

鄉賢祠。子原徽，字允迪，號素軒；原紀，字允仁，號一得，皆以文學世其家，時號「二葉」云。《七

先生傳》。允仁子定中，才而早卒。《嘉慶太平志》。

應良，字原忠，《明史·儒林傳》。號南洲，仙居人。鄒守益撰《墓志》。父昌，字克盛，少孤，事母極

孝，仕分宜尉。《大清一統志》。有惠政，祀鄉賢及名宦祠。良幼聰睿，七歲喪母，哀毀如成人。《墓

志》。十歲能屬文，每出語輒驚其長老。舉正德三年會試，因劉瑾擅國歸。六年始赴廷試，選庶吉

士。吳時來《圖存集序》。與王守仁、湛若水友，既有得，折節稱弟子。與四方豪傑倡學。論政務，見

諸實用。《墓志》。親老歸養，講學山中者將十年。嘉靖初，《史》傳。御史朱節、吳華、陳察交薦之，

與呂楠、湛若水同剡起，授編修。時大禮議起，桂萼素厚良，欲招爲助，謝不往。《墓志》。伏闕爭，

廷杖。《史》傳。尋冊封唐王，贖贈無所受。以憂歸，服闋，爲山東提學副使，闡明師教，以身爲率。

逾二年，陞河南參政，尋調廣西，論量田、賑荒諸事，及阻創狼寨，立打手營，侃然自持，惠流於民。  
《墓志》。齋表北上，張璫、桂萼密諭意曰：「北司成，正以遲公。」良正色曰：「朝廷官爵，可輕許人邪？」陞廣東右布政。未幾，言者抵以他事，遂歸。《文集序》。給事中薛宗鑑上疏稱冤，極論黨同伐異之蠹，不報。良處之怡然。家居，立祠宇，輯家譜，以孝弟爲子姓先。遇旱，躬歷巖嶮，祈禱多應。歲凶，力言郡邑，奏荒賑恤，鄉人賴之。良美須髯，善談吐，慷慨超物表。與人交，傾肺腑。聞一善，必揚之。閒居小樓，披閱古今，劇飲浩歌，自得適如也。逾七十，猶冒山谿，拜誠意伯祠下，爲《贊》以表夙志。郡守廉其食貧，欲厚賙之，拒謝歸。粗衣糲食，終其身不變，嘉靖二十八年卒。著有《孝經正誤》、《海道經》、《聞善錄》、《闡微錄》、《旌忠錄》、《墓志》、《南洲集》、《萬曆縣志》。

林元敘，字典卿，號益菴，臨海人，與弟元倫同舉正德五年鄉試。《康熙縣志》。元敘師事王守仁，得求仁之旨。吏部喬宇知其名，薦授解州知州。州政頽荒，元敘至，率耆老問民疾苦，政令所不便，輒罷行。修學校及城濠，民無所擾。《續台考》。藩邸草場軍校殺人，匿其尸，元敘以計獲之，卒置法。廣慈寺僧殺人於井，發伏，正其辜，改寺爲解梁書院，以其餘地立社學，集諸生日與講明理道，州人翕然奮興。《康熙縣志》。甫年餘卒。《續台考》。年四十九。時修撰呂柟謫倖於解，爲治其喪，笥中所餘俸金僅四十，白於上官，賻贈以歸其櫬。《康熙縣志》。元倫，字彝卿，號頤菴。久困公車，下第南旋，鄉人王宗元同舟染疫，衆咸引去，元倫獨留調護，爲治其後事。選延平通判。初，尤溪有田氏，地險族蕃，嘯聚爲盜，久莫能治。元倫以計悉擒渠魁，獲餘黨略盡。以其地遠，威令難及，建議分立縣治，名曰「大田」，民立祠祀焉。時徐階以編修出爲郡司理，相與講學，著《學

則《養蒙說》、《新泉問辨錄》，以啓後進。蔡雲程撰《墓志》。釐訂鄉飲酒禮，巡按下爲諸郡式。擢滁州知州，《續台考》。下車，值亢旱，禱於柏子潭，白龜浮出，大雨如注，咸以爲誠感。滁孔道，痛裁迎送費，忤權貴，弗恤。《墓志》。昭聖后梓宮舟行，返葬承天，有創議從陸者，扈從大臣冀利己，將從之。元倫以江北道險隘，非夷民居城牒不可，費勞萬狀，不獨滁人爲病。力爭之曰：「必欲從陸，非疏聞不可。」大臣爲吐舌，而議竟寢。王宗沐撰《墓表》。庀黌舍，修志乘，諸所因革，悉中時宜。當道交薦，以述職行，童叟攀卧不肯舍。元倫素游王守仁、湛若水之門，故所至有實政。《滁州志》。陞承天府同知，道出泗州，適巡按新至，以其不之謁，啣焉，言其枉道回籍，論罷歸，而遺落世故，日以《易》自課。嘉靖丁巳卒，年七十一。著有《閩遊》、《守滁》、《湖湘》、《歸田》諸錄，《虛受》、《觀頤》、《應酬》諸稿。《墓志》。

葉慎，字允修，號恆陽，太平人。父靈鳳，林應麒撰《墓志》。字昌詔，官新城教諭，課諸生有程度，爲督學所重，聘典四川文衡，精校閱。弘治十五年成進士。嘗詣謝鐸，覲案上書籍曰：「了此庶無負矣。」尋授南京刑部主事，以憂歸，卒。《嘉慶縣志》。慎生十餘歲而父歿，乘喪變，羣侮蜩集，慎處之裕然。長，補諸生，厭舉業，從王守仁於會稽，得聞良知之旨，躍然曰：「是矣！是矣！聖人決可學而至也。」時有以隨處體認天理爲教者，又有以洗滌心垢爲教者，慎曰：「理非外鑠，心本無垢。」其超悟自信類如此。同門皆敬慕之，自以爲不及。性剛直，肯面折人過，而胸無城府，未嘗逆詐。居常以玩物誇多爲戒，然學最精博，與人往復辯難，各徹底蘊，使之心服乃已。平生薄名譽，爲文不蓄稿。嘗曰：「詩不理於性情，雖逼真二《南》，猶爲淫辭。」又云：「訓詁辭章，功

業氣節，皆吾道中事。近來悉以此資利達，其設心慘於申、韓、孫、吳，乃更摭摭羣言。自稱著述，期以欺世飾奸，哀哉！」嘉靖四十三年卒，年七十七。《墓志》。

金克厚，字宏藏，號竹峰，仙居人。《康熙縣志》。尚志砥行，困於科舉。聞王守仁之學，往事之。篤信力行，若水趨壑。應大猷《送人之六合序》。嘉靖元年，守仁父華卒，使門人子弟紀其喪，因材分任，克厚得監廚。是年舉於鄉，明年成進士。語人曰：「我學得司廚，大益，且私之以取科第耳。」《姚江淵源錄》。授六合知縣。應大猷爲序送之，勉其推是心以行是政。《容庵集》。後行取入都，歷郎中，以廉潔稱，尋卒。《康熙縣志》。

林應麒，字必仁，號介山，仙居人。幼穎悟，喜吟詠，爲文蘄拔律卒，與時輩迴絕。《康熙志》。每議論天下事，尚書應大猷試與語，答辯如響，反爲所拄。大奇之，引爲忘年交。應良稱「人倫鑑」。嘗爲第二女擇婿，一以妻李一瀚，一以妻應麒。年二十領嘉靖四年鄉薦，十四年成進士，授吳江知縣。林孫枝撰《傳》。縣多豪右，爲民患。應麒至，輒收訊之。會御史苟汝安按郡，應麒晉謁，汝安端坐不爲禮，應麒長揖徑出，豪猾乘間搆之。《康熙志》。汝安大憾。太常李莆石致書，令其託人請罪，應麒答以書曰：「內省不疚，得罪而去。如值飄瓦，如觸虛舟，碎首隕身，萬萬無怨。又奚請爲？」遂被劾。吏部侍郎歐陽石岡抗疏論救，聽勘數年，迄無左證，得降調。二十一年改教職，調六安州判官。踰月遷國子監助教，二十六年調泰安州判官，明年以山東巡撫都御史彭黯、巡按御史傅鎮薦，二十八年轉金谿知縣，次年陞雲南提舉，尋陞惠州同知。林《傳》。吏事精敏，剖斷如流。人贖，有貧者多蠲免之。嘗言「訟貴速決，留獄防民，吾不忍也。」歲餘，以母憂去。《廣東



通志》。服闋，將赴部，爲江西巡按御史蘇端蒙所劾。端蒙，潮州人，應麒同知惠州時，曾委探其家不法事，銜之。訶知其令金谿時，爲副使鄭世威屬稿，議革餽送等銀，內引分宜、進賢二縣歲費六千兩爲證，爲嚴世蕃、萬鏜所切齒，遂劾之，以迎合二權貴意。有旨罷閒。林《傳》。應麒弱冠登朝，人皆嘖嘖豔之。顧以才高不能下人，且嫉惡過甚，以此備嘗艱危，弗克展其用。《康熙志》。然雖放棄，繫心國是，遇大利害，輒與所知慷慨指陳，以示可用。隆慶五年，仙居值編審吳時來貽應麒書，有「官寺民田均爲一則」之說，應麒以官寺田米與民田米起科懸殊，覆書力言不可。時來遂與當事定議：官戶田三百當里長一，民戶稍耗甚者歸并之，田去戶存者開除之，僧田別立一圖，不得雜編民戶。於是戶有定籍，賦無重差，應麒一書力也，林《傳》。少登王守仁之門，又因應良謁鄒守益，嘗與守益書，言：「四十餘年，聽誦訓規，心皆未嘗有所疑逆，備遭頓挫險阻，頗能不爲所困，內省漠然，遂自倚爲得力。茲居田久，閉戶觀心，將種種習根，冥搜曲索，始覺從前祇仗口耳義諦，禁縛塵情，於一切拂逆境，皆以頑空意識，承接過去，便自認爲得力。實際誑己謾人，罪過難贖。年逾五十，前路相逼，朝未有聞，夕豈可死？爲此悚懼，若涉淵水。」其暮年所得如此。《介山稿略》。年七十八卒，著有《介山稿略》二十卷。林《傳》。

林貴兆，字道行，號白峰，太平人，嘉靖十九年舉人。厭俗學紛靡，專務窮理。慕薛瑄、陳獻章爲人，以生不同時爲恨。聞臨海金賁亨倡道東浙，往從之游，以心性名節相砥礪。授江西都昌知縣，時嚴嵩父子秉政，《康熙縣志》。以利風天下，天下靡然從之。民食艱而怨叛作，貴兆憂之。歎曰：「亂，必自縣令始。蓋令，財貨所由出也。令不恣意克剝，以悅其所私，則民得安其所，而

禍本消矣。」由是一意裁省，爲疲氓休息計，民頗安而當事多不便者。貴兆知世不能容，閱九月，即以疾告歸。自撰《嘉遯齋記》。行李蕭然，父老泣留之。貴兆別以詩曰：「湖邊植柳維官騎，柳未成陰官已去。慇懃父老莫留衣，舊瓢曾掛衙前樹。」又云：「時艱無計緩徵輸，一夜憂民髮已絲。唱斷南風人不和，空留春色到棠枝。」士民思慕立祠。《康熙縣志》。貴兆既歸，躬課耕，妻執爨。《嘉遯齋記》。給事梁夢龍以守道執法薦，不起。著書樂道，結社講約，鄉人化之。所居稱「仁里」，卒年八十二，門人私諡曰「文貞先生」，著有《四書申解》、《易經申義》、《正志稿》、《知我軒近說》、《大學困知錄》、《識知》、《齊治》、《五倫禮》諸編，祀都昌名宦祠。《康熙縣志》。同縣王光，字伯奎，號定庵，亦從金賁亨遊，明心性之學。卒，林貴兆爲志其墓。又有朱若虛，字存誠，號雁洲，力學有守，與貴兆及光交，早卒。《三台詩錄·傳》。

## 國朝

洪熙揆，字漢箋，號惕菴，臨海人，若皋第四子。《三台詩錄·志》。性端方，好張伯行《正誼堂全書》，參注稠疊。於朱子《近思錄》、薛瑄《讀書錄》尤服膺。日所行事，必手劄記，以自砥礪。自言所學，以居敬主靜爲主，以窮理力行爲功，遇事則求諸心之所安，無事則靜坐體認喜怒未發氣象。《同治縣志稿》。晚以貢授鎮海訓導，修文廟，日與諸生講學。《詩錄·序》。學使彭啓豐將疏薦之，會遷去，不果。靈巖碑闢久圯，大吏飭修，迄無成緒。熙揆任其役，八閱月而訖工，溉田甚溥。鎮海人勒石紀其功。丁艱歸，老幼咸涕泣餞送，建報德祠於靈巖祀之，並祠名宦祠。《同治縣志稿》。居鄉

有厚德，《詩錄·傳》。修復郡城形勝，《同治縣志稿》。請增臨海學額。再補寧波府學訓導，辭不赴。著有《困學編》、《詩錄·傳》。《聰彝堂年譜》。《家傳》。子承澤，字心淑，歷官孝豐、浦江教諭。《詩錄·傳》。潛心性命之學，教士以謹誠偽、辨義利爲首務，著有《閱史管見》、《復性齋學則》、《澹餘堂日鈔》。《同治縣志稿》。

王藻，字允琳，《乾隆縣志》。一字次居，《光緒縣志》。號又次，黃巖人，雍正初恩貢。嘗遊當湖陸隴其門，得理學正傳，歸而授徒，講天人性命之理，邑之名宿，多出其門。著有《學庸奧義》、《論孟津梁》。學使彭始傳見之，大加稱賞，旌其廬曰「學繼紫陽」。卒年八十三，門人私謚曰「文靖」。子式遠、式金，俱諸生。《乾隆縣志》。同縣牟亦珙，字顯及，號璧田，一號紹三，乾隆六年拔貢生。性純孝，以親老，不赴朝考。生平精於儒先性理之書，著有《學庸直解》。《台詩三錄》。

沈光邦，字廷颺，號皆山，臨海人。康熙五十九年舉人，考授內閣中書，出補漳州同知，未之任卒。《黃河清撰《傳》》。光邦少穎悟，能手製刻漏，三角八角八錢算術，因講求《易》理，取河洛象數，以探先後天成卦源流，參以消息乘除之法，配以律呂，適與六十四卦縱橫上下，一一相生，環轉自然。其官京師時，僦居天壇，謝絕交游，公餘即閉戶鉤考，雖盛寒劇暑不少休。初爲《律呂卦義大成》三卷，既而廣採旁徵，增爲四卷，名《易律通解》。宋世榮《易律通解跋》。於諸家樂書自《呂覽》、《淮南》、史遷、京房以至明鄭世子皆有考正。乾隆三十八年，詔徵天下遺書，甄入《四庫》。《黃《傳》》。所爲詩亦多精思。《三台詩錄》。有《皆山堂集》。《新縣志稿》。同時趙宗欽，字緩齋，太平人，歲貢生。穎悟博覽，精河洛之學，著有《洪範續傳》。《台詩三錄》。